

սին: Յակոբ եպս. այդ տեղեկութիւնները տալէն վերջ, իր վիճակին համար հրահանգ կը խնդրէ պատրքէն: Շահթահամազ Բ. այդ կողմերը արշաւած էր 1727ին:

ՅԱԿՈՒԲ ԵՊՍ.— Մը. Նւ. Պոնտոսի. 1799ին կը վախճանի Պաֆրայի մէջ:

ՅԱԿՈՒԲ ԵՊՍ. ՆՈՒՐՏԻՆԵԱՆ, ԲԱՂԻՇԵՑԻ, և որդին ԱԲՐԱ-
ՀԱՄ ԵՊՍ.— Յակոբ՝ իր կնոջ մահուանէն յետոյ, Բաղէշի խոռ-
վութիւններու ժամանակ, իր որդւոյն՝ Աբրահամի հետ քաշ-
ուեցաւ Ամրտոլի վանքը. ուր երկուքն ալ ուսում ստանալով
վարդապետ ձեռնադրուեցան, և յետոյ մեկնեցան Ս. Էջմիածին և
եպիսկոպոսացան: Հայր և որդի՝ այս երկու եպոսները Գրիգոր
Շղթայակիր պատրիարքի օրով ուխտաւորութեամբ Ս. Յակոբի
վանքը այցելեցին և ընդունուեցան եպիսկոպոսներու շարքին
մէջ. Շղթայակիր պտրք. Աժտէրխանու նուիրակութիւնը անոնց
յանձնեց և կատարեցին իրենց պաշտօնը արդիւնաւոր կերպով:
Շղթայակիրի մահուանէ վերջ հայր և որդի Պոլիս մեկնե-
ցան և շատ սիրով ընդունուեցան Յակոբ Նալեան պտրքէն: Յա-
կոբ եպս. արքունի պալատան սրվանի կարապետի օգնութեամբ
ստացաւ Տիգրանակերտի առաջնորդութիւնը, իրը յաջորդ Պե-
րոս եպոսի. նոյն պաշտօնը հինգ տարի վարեց և ձերութեան
պատճառով յանձնեց զոյն իր տղուն Աբրահամ եպոսին և ինքը
մեկուսացաւ Արդնիի Բարձրահայեաց Ս. Աստուածածնի վան-
քը, ուր քիչ վերջ վախճանեցաւ: Աբրահամ եպս. առաջնոր-
դութեան հրովարտակին ստացումին համար Պոլիս մեկնեցաւ և
1754ին ալ պոլսեցի նորընտիր կթղ. Աղեքսանդր Քարաքաշ-
եանի հետ ուղևորելով հասաւ Եւզոկիա՝ բայց հոն բամուռելով
կաթողիկոսէն՝ գնաց Տիգրանակերտ. ինը տարի պաշտօնա-
վարելէ վերջ, կը վախճանի 1763ին Արդնի վանքին մէջ և կը
թաղուի իր հօրը շիրմին մօտ, (Սարափ, էջ 148—150):

ՅԱԿՈՒԲ ԵՊՍ.— Հաւանաբար է. դարու հայ եպիսկոպոս
մը Ս. Երուսաղէմի Համբարձման վանքերէն միոյն մէջ հաս-
տատուած. անոր տապանագիրը կը գտնուի Զիթենեաց լե-
րան վրայ, մեծ հաւանականութեամբ երբեմնի Ս. Յովհաննէս
Մկրտչի վանքին գաւիթը. Յակոբ եպոսի դամբարանը նուրբ
արուեստով շինուած մոպայիք մ'է, որ ունի հետեւեալ ար-